

# GENESIS.

## Kgaoganyo 1.

Lolo ea lefase.

**M**A THOMOÑ Modimo a na a lola legodimo le lefase. Dit. 17, 24.  
Kut. 4, 11. Hebr. 11, 3. Yoh. 1, 1-3.

2. Gomme lefase le be le gobelane le se na selo; gomme lefizifzi le be le le godimo ga bodiba; gomme Moea oa Modimo o be o òka godimo ga mëtse.

3. Gomme Modimo a re: A seetša se be gona! Gomme seetša sa ba gona. Ps. 83, 9. 2 Kor. 4, 6.

4. Gomme Modimo a bona seetša e le se sebotse; gomme Modimo a aroganya seetša le lefizifzi.

5. Gomme Modimo a bitša seetša a re ke mosegare, gomme a bitša lefizifzi a re ke bošego. Gomme ea ba mantšiboa ea ba kamosoana, e lego letšatsi la pele.

6. Gomme Modimo a re: A kanego e be gona gare ga mëtse, gomme e aroganye mëtse le mëtse.

7. Gomme Modimo a dira kanego, gomme a aroganya mëtse a lego ka tlase ga kanego le mëtse a lego ka godimo ga kanego. Gomme goa na goa ba byalo. Ps. 19, 2.

8. Gomme Modimo a bitša kanego a re ke legodimo. Gomme ea ba mantšiboa ea ba kamosoana, e lego letšatsi la bobedi.

9. Gomme Modimo a re: A mëtse a lego ka tlase ga legodimo a phuthengele felo go tē, gore mo go omilego go bonale. Gomme goa na goa ba byalo. 2 Petr. 3, 5. Yob 38, 8-11.

10. Gomme Modimo a bitša mo go o-milego a re ke lefase, gomme mëtse a phuthegilego a re ke leoatle. Gomme Modimo a bona e le mo go botse.

11. Gomme Modimo a re: A lefase le mele byān le merogo e enyago dipeu, le dilare tše di enyago, tše di tsoeletšago dienyoa ka mehuta ea tsona, tše di nago le dipeu tsa tsona mo lefaseñ. Gomme goa na goa ba byalo.

12. Gomme lefase la tsoeletša byān le merogo e enyago dipeu ka mehuta

ea eona, le dilare tše di tsoeletšago dienyoa, tše di nago le dipeu tsa tsona ka mehuta ea tsona. Gomme Modimo a bona e le mo go botse.

13. Gomme ea ba mantšiboa ea ba kamosoana, e lego letšatsi la boraro.

14. Gomme Modimo a re: A dietsa di be gona kanegoñ ea legodimo go aroganya mosegare le bošego, le go ba ditaetšo le mabaka le matsatši le nyoga; Ps. 74, 16.

15. Gomme e be dietsa kanegoñ ea legodimo go bonegela lefase. Gomme goa na goa ba byalo.

16. Gomme Modimo a dira dietsa tše pedi tše kgolo, e lego seetša se segolo, gore se buse mosegare, le seetša se se-nyane, gore se buše bošego; le tsona dinaledi. Ps. 136, 7-9.

17. Gomme Modimo a di bea kanegoñ ea legodimo go bonegela lefase,

18. Le go buña mosegare le bošego, le go aroganya seetša le lefizifzi. Gomme Modimo a bona e le mo go botse.

19. Gomme ea ba mantšiboa ea ba kamosoana, e lego letšatsi la boné.

20. Gomme Modimo a re: A mëtse a nyeunye dinyeunya, e lego diphedi. gomme tše di fofago di fofe godimo ga lefase kanegoñ ea legodimo.

21. Gomme Modimo a lola dilapi tše kgolo, le diphedi ká moka tše di šišinyegago, tše di nyeunyago mëtseñ, ka mehuta ea tsona, le tsole tše di fofago tše di diphego ka mehuta ea tsona. Gomme Modimo a bona e le mo go botse.

22. Gomme Modimo a di šegofatša a re: Atah le nntšifale, gomme le tlale metseñ a leoatle, gomme tše di fofago di ate lefaseñ.

23. Gomme ea ba mantšiboa ea ba kamosoana, e lego letšatsi la go fetša seatla.

24. Gomme Modimo a re: A lefase le tsoeletše diphedi ka mehuta ea tsona, e lego diruioa, le digagabi, le diphoofolo tsa lefase, ka mehuta ea tsona. Gomme goa na goa ba byalo.

25. Gomme Modimo a dira diphoofolo

tša lefase ka mehuta ea tšona, le dirui-o ka mehuta ea tšona, le digagabi ka moka tša lefase ka mehuta ea tšona. Gomme Modimo a bona e le mo go botse.

26. Gomme Modimo a re: A Re direñ batho mo sesoanthšon sa Rena, ka go soana le Rena, gomme ba buše dilapi tša leoatle, le dinonyana tša legodimo, le diruioa, le lefase ka moka, le digagabi ka moka tše di gagabago lefaseñ. *Ps. 8, 6-9.*

27. Gomme Modimo a bopa motho mo sesoanthšon sa gagoe; a mmopa ka se-soanthšo sa Modimo: a ba dira monna le mosadi. *Efe. 4, 24. Kg. 2, 7, 22. Mat. 19, 4.*

28. Gomme Modimo a ba šogofatša, gomme Modimo a re go boná: Atań le nntšifale, tlalań lefase, le le fenyé, gomme le buše dilapi tša leoatle, le dinonyana tša legodimo, le tšole tše di phelago, tše di sisiyegago lefaseñ. *Dit. 17, 26.*

29. Gomme Modimo a re: Bonań, ke le file merogo ka moka e enyago dipeu, e lego lefaseñ ka moka, le dilare ka moka tše di nago le dienyoya, tše di enyago dipeu, gore e be didyo tša lena;

30. Eupya tšole tše di phelago tša lefase, le dinonyana ka moka tša legodimo, le digagabi ka moka tsa lefase, tše di nago le meoea e phelago, ke di file mabyán a matalá ka moka, gore e be didyo. Gomme goa na goa ba byalo.

31. Gomme Modimo a lebelela tšole tše a di dirilego, gomme bonań, e be e le tše botse ka kudu. Gomme ea ba matšiboa ea ba kamosoana, e lego letšatsi la go selela.

### Kgaoganyo 2.

Sabatha. Motho mo Paradeisen. Mola o Modimo. Go bopya ga mosadi: tša tšeó.

1. LEGODIMO lefase tša na tša phe-thoa byalo le makoko a tšona ka moka.

2. Gomme Modimo a phetha ka letšatsi la go ūupa modiro oa gagoe ka moka o a o dirilego, gomme a khutša ka letšatsi la go ūupa modiron oa gagoe ka moka o a o dirilego. *Yoh. 5, 17. Hebr. 4, 4, 10.*

3. Gomme Modimo a šegofatša letšatsi la go ūupa, a le kgetha; gobane a na a khutša ka lona modiron oa gagoe ka moka, o Modimo a o dirilego ka go o lola. *Ex. 20, 8-11.*

4. Ke tšona ditaba tša go direga ga legodimo le lefase ga di loloa, mola Yehofa Modimo a dirago lefase le legodimo,

5. Gomme dilašana ka moka tša naga di be di s'ešo tša ba gona lefaseñ le

merogo ka moka ea naga e be e s'ešo ea mela; gobane Yehofa Modimo o be a s'ešo a neša pula lefaseñ, gomme go be go be se motho e a lemago naga;

6. Eupya mogodi oa rotoga lefaseñ, gomme oa kolobisa lefase ka moka;

7. Gomme Yehofa Modimo a bopa motho ka lerole la lefase, gomme a budela moea oa bophelo nkón ea gagoe, ka gona motho ea ba moea o phelago.

*1 Kor. 15, 45.*

8. Gomme Yehofa Modimo a dira thšemo kşa Eden, bolaba-tšatši, gomme a bea gona motho eo A mpopilego.

9. Gomme Yehofa Modimo a medisa mobuh dilare tša mehutahuta tše di kgalisago malon, tše botse go leoa, le selare sa bophelo gare ga thšemo, le selare sa go tseba botse le bobé.

*Kg. 3, 22, 24. Kut. 2, 7, 22, 2.*

10. Gomme noka e be e e tšoa mo Eden go nošetsa thšemo, gomme ea arögana gona, ea tšoa dinoka tše uné.

11. Leina la ea pele ke Pison; ke eona e dikologago naga ea Hafila ka moka, mo gauda e lego gona.

12. Gomme gauda ea naga e ke e botse; le bedelion le lebye la berile di gona.

13. Gomme leina la noka ea bobedi ke Kigoń; ke eona e dikologago naga ea Kuse ka moka.

14. Gomme leina la noka ea boraro ke Hidekel; ke eona e elago pele ga Asur. Gomme noka ea boné ke Ferath.

15. Gomme Yehofa Modimo a tšeа motho, a mmea thšemon ea Eden, gore a e leme le go e lota.

16. Gomme Yehofa Modimo a laela motho a re: Q ka dya dilare tša thšemo ka moka;

17. Eupya selare sa go tseba botse le bobé q se ke oa se dya; gobane mola q se dyago q tlo 'hua lehu.'

*Rom. 5, 12. 1 Kor. 15, 21.*

18. Gomme Yehofa Modimo a re: Ga go botse ga motho a le nnoši; ke tlo mo direla modiriši e a mo lebanego.

*Diem. 31, 10-31.*

19. Gomme Yehofa Modimo o be a bopa ka mobu tše di phelago ka moka tša naga, le dinonyana tša legodimo ka moka, gomme a di iša go motho go bona ka mo a tlog'o di reela ka gona, gomme maina ka moka a motho a tlog'o reela tše di phelago, e be maina a tšona.

20. Gomme motho a reela diruioa ka moka, le dinonyana tša legodimo, le di-phoofofolo tša naga ka moka maina: euva

**ka ga motho a sa ka a bona modiriši e a mo lebanego.**

21. Gomme Yehofa Modimo a ušetša motho boroko byo bogolo, gomme a robala; gomme a nthša le lenoe la dikgopo tsa gagoe, gomme a thiba ka nama mo a nthšitsegoo legopo gona.

22. Gomme Yehofa Modimo a dira mosadi ka legopo le a le nthšitsegoo go motho, gomme a mo tliša go motho.

23. Gomme motho a re: Eo ke e e lego lešapo la mašapo a ka le nama ea nama ea ka; o tlo bitšoa mosadi, gobane o nthšitšoe monneñ.

24. Ka baka leo monna o tlo tlogela ta'agoe la mm'agoe a gomarela mosadi oa gagoe, gomme e tlo ba nama e te.

Math. 19, 5. 6. Efes. 5, 28-31.

25. Gomme motho le mosadi oa gagoe ka ba bedi ba be ba sa tsoara, gomme ba be ba se na diloñ.

### Kgaoganyo 3.

Adam le Efa ba senya; kotlo ea bomá le kholofetšo ea go tla ga Mesia.

1. GOMME noga e be e feta tšole tše di phelago tsa naga ka bolale, tše Yehofa Modimo a di dirilego; gomme ea re go mosadi: A ruri Modimo o itše: Le se ke la dya dilare tsa thšemo ka moka?

Kut. 12, 9; 20, 2.

2. Gomme mosadi a re go noga: Re a dya dienyoya tsa dilare tsa thšemo; Kg. 2, 16.

3. Fela dienyoya tsa selare se se lego gare ga thšemo Modimo o itše: Le se ke la di dya, gomme le se ke la se soara, gore le se hue.

Kg. 2, 17.

4. Gomme noga ea re go mosadi: Le ka se ke la hua lehu;

Yoh. 8, 44.

5. Eupya Modimo o a tseba, gobane mola le se dyago, malo a lena a tlo buduloga, gomme le tlo ba byalo ka Modimo, le tsebe botse le bobé.

6. Gomme mosadi a bona, gobane selare ke se sebose go leoa, gomme se kgališa malon, e le selare se se rategago go lalefiša, gomme a tše dienyoya tsa sona a dya, le gona a neela monna oa gagoe e a nago le eena, gomme a dya.

Yak. 1, 14. 1 Tim. 2, 14.

7. Ke mo malo a boná ka babedi a budulogilego, gomme ba lemoga, gobane ga ba tsoara, gomme ba rokaganya matlakala a mofeige, ba etirela dišoaro.

Kg. 2, 25.

8. Gomme ba koa lentšu la Yehofa Modimo a sepelago thšemoñ, mantši-

boa; gomme Adam le mosadi oa gagoe ba utama ba thšaba sefalogo sa Yehofa Modimo gare ga dilare tsa thšemo.

Ver. 23, 24.

9. Gomme Yehofa Modimo a bitsa Adam a re: O go kae?

10. Gomme a re: Ke koele lentšu la gagoe thšemoñ, gomme ka boifa, gobane ke sa tsoara, ke gona ke utamilego.

11. Gomme a re: Q tsebisitšoe ke mañ, gobane ga oa tsoara? A o lle selare se ke go laetšego, gore o se ke oa se dya?

12. Gomme Adam a re: Mosadi eo o nneetsegoo eena, gore a dule le nna, ke eena e a nneetsegoo selare, gomme ka dya.

13. Gomme Yehofa Modimo a re go mosadi: Ke'n se o se dirilego? Gomme mosadi a re: Noga e mphorile, gomme ka dya.

2 Kor. 11, 2.

14. Gomme Yehofa Modimo a re go noga: Ka gobane o dirile fao, o rogilioe gare ga diruioa ka moka le tse di phelago ka moka tsa naga. O tlo sepela ka mpa ea gago, gomme o tlo dya lerole ka mela ka moka ea go phela ga gago.

Yes. 65, 25.

15. Gomme ke tlo bea leloeo gare ga oene le mosadi, le gare ga peu ea gago le peu ea gagoe; eona e tlo q pšatla logo, gomme oene o tlo e loma sere the.

Gal. 4, 4. 1 Yoh. 3, 8. Hebr. 2, 14.

Rom. 16, 20. Yoh. 14, 30. Kut. 12, 17.

16. Gomme A re go mosadi: Ke tlo q atisetša maloko, ka kndu go imen ga gago; o tlo belega bana ka boloko, gomme 'lologelo ea gago e tlo ba go monna oa gago, gomme eena o tlo q buša.

Etes. 5, 22. 23. 1 Tim. 2, 11, 12.

17. Gomme A re go Adam: Ka gobane o koele lentšu la mosadi oa gago, gomme o lle selare se ke go laetšego, gore o se ke oa se dya; lefase le rogiloe ka baka la gago, gomme o tlo dya tsa lona ka tapišego ka matsatši ka moka a go phela ga gago.

18. Le tlo go enyetša metloa le noan, gomme o tlo dya merogo ea naga.

19. Q tlo dya bogobe ka dikudumela tsa sefalogo sa gago, go fila ga o boela mobuň, gobane o nthšitšoe go ona; gobane o lerole, gomme o tlo boela leroleñ.

2 Thes. 3, 10. Mmol. 12, 7.

20. Gomme Adam a reela mosadi oa gagoe a re ke Efa, ka gobane a bile mm'ago ba ba phelago ka moka.

21. Gomme Yehofa Modimo a direla Adam le mosadi oa gagoe diaparo tsa matlalo, gomme a ba apeša.

22. Gomme Yehofa Modimo a re: Be-

nañ, motho o bile byalo ka e moñoe oa  
Rena go tseba botse le bobé; gomme  
byalo, a se ke a ba a otlolola letsogo  
la gagoe go tsea le tsa selare sa bo-  
phelo, a dya, gomme a phela ka go sa  
felego!

v. 5.

23. Gomme Yehofa Modimo a mo nthše-  
tsa ka ntle ga thšemo ea Eden, gore a  
leme mobu o a nthšitšoego go ona.

24. Gomme A leleka motho, gomme A  
bea bakerube bołaba-tsatsi bya thšemo  
ea Eden, le thšoša ea kgabo e pekenye-  
tsago kqa le kqa, go lota tselia ea se-  
lare sa bophelo.

Hes. 10.

**BIBEL**

Thulaganyo ya pele 1904

Kgatišo ya pele ya Afrika-Borwa 1992

© LEKGOTLA LA BIBELE LA AFRIKA-BORWA 1904

Ditshwanelo ka moka ke tsā mophatlatalaši.

Ga go karolo efe gobla efe ya phatlatalaši ye ye e ka ntšifatšwago  
ka mokgwa wo mongwe ka go gatšwa gape, ge e se ka tumelelo  
ya mophatlatalaši ka lengwalo.

E phatlataladitswe ke Lekgotla la Bibele la Afrika-Borwa.

**Die Bybel in NOORD-SOTHO**

Eerste uitgawe 1904

Eerste Suid-Afrikaanse uitgawe 1992

© BYBELGENOOTSKAP VAN SUID-AFRIKA 1904

Alle regte voorbehou.

Geen deel van hierdie publikasie mag gereproduuseer, in 'n  
data-sentrum geberg of vermenigvuldig word in enige vorm  
of deur enige medium – elektronies, meganies, fotografies,  
fonografies of enige ander vorm van opname – sonder die  
vooraftgaande skriftelike verlof van die uitgawer nie.

Uitgegee deur die Bybelgenootskap van Suid-Afrika,  
Postbus 6215, Roggebau, Kaapstad 8012

**The Bible in NORTHERN SOTHO**

First edition 1904

First South African edition 1992

© BIBLE SOCIETY OF SOUTH AFRICA 1904

*All rights reserved.*

*No part of this publication may be reproduced, stored in a retrieval  
system or transmitted, in any form or by any means, electronic,  
mechanical, photocopying, recording, or otherwise, without  
the prior written permission of the publisher.  
Published by the Bible Society of South Africa,  
P.O. Box 6215, Roggebau, Cape Town 8012*

Gedruk deur Nasionale Boekdrukkery, Kaap      Printed by National Book Printers, Cape  
Lettertype 9 pt      Type 9 pt

Noord-Sotho – OV63 – 10M – BSA – 1992      Northern Sotho – OV63 – 10M – BSSA –

ISBN 0 7982 0024 3

WK 0215